

**KOMISIJA ZA TUMAČENJE I PRAĆENJE PRIMJENE
KOLEKTIVNOG UGOVORA ZA SLUŽBENIKE ORGANA UPRAVE I SUDSKE VLASTI
U FEDERACIJI BOSNE I HERCEGOVINE**

Na osnovu člana 71. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 98/23 i 46/25), Komisija za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine (u daljem tekstu: Komisija), povodom zahtjev Općine Stari Grad Sarajevo br. 09-45-1476/25 od 23.04.2025. godine za tumačenje odredbi člana 26. stav (3) Kolektivnog ugovora za službenike organa uprave i sudske vlasti u Federaciji Bosne i Hercegovine, na 13. sjednici Komisije održanoj dana 06.11.2025. godine, donosi:

ODLUKU

o tumačenju odredbi člana 26. stav (3) Kolektivnog ugovora za službenike organa
uprave i sudske vlasti u Federaciji Bosne i Hercegovine

I

Utvrđuje se tumačenje odredbi člana 26. stav (3) Kolektivnog ugovora za službenike organa uprave i sudske vlasti u Federaciji Bosne i Hercegovine, kako slijedi:

“ Poslodavac može za određena deficitarna zanimanja ili zanimanja za koja se utvrde posebnim propisom otežani uslovi rada za koja će se utvrditi uvećanje plate, koje može iznositi do 30% .”

II

Ova odluka primjenjuje se na sve organe i institucije iz člana 72. Kolektivnog ugovora, čija je sindikalna organizacija članica reprezentativnog sindikata Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine (u daljem tekstu: Samostalni sindikat).

III

U skladu sa odredbom člana 71. stav (6) Kolektivnog ugovora, ovu odluku su dužne poštovati sve ugovorne strane ugovora.

IV

Ova odluka će se dostaviti podnositelju zahtjeva i Samostalnom sindikatu putem Federalnog ministarstva pravde.

Obrazloženje

Komisiji je dostavljen zahtjev Općine Stari Grad Sarajevo br. 09-45-1476/25 od 23.04.2025. godine za tumačenje odredbe člana 26. stav (3) Kolektivnog ugovora za službenike organa uprave i sudske vlasti u Federaciji Bosne i Hercegovine, a u smislu primjene odredbi člana 26. Kolektivnog ugovora na namještenike koji obavljaju poslove rada u pisarnici i šalter sali, odnosno, kako se navodi, poslove cjelodnevnog rada sa strankama.

Imajući u vidu navode iz dostavljenog zahtjeva, Komisija ističe da je odredbom člana 26. stav (3) Kolektivnog ugovora propisano da poslodavac može za određena deficitarna zanimanja ili zanimanja za koja se utvrde posebnim propisom otežani uslovi rada, utvrditi uvećanje plate, koje iznosi do 30 %.

Podnosilac zahtjeva je dostavio Komisiji zahtjev za tumačenje navedene odredbe člana 26. stav (3) u odnosu na namještenike koji obavljaju poslove rada u pisarnici i šalter sali Općine Stari Grad Sarajevo.

Podnosilac zahtjeva nije dostavio Komisiji nikakve dodatne podatke koji bi mogli biti značajni za tumačenje predmetne odredbe Kolektivnog ugovora u konkretnom slučaju, odnosno na osnovu kojih bi bilo moguće utvrditi da se radi o poslovima sa otežanim uslovima rada ili deficitarnim zanimanjima.



Imajući u vidu navedeno, Komisija zaključuje da trenutačno odredbe člana 26. Kolektivnog ugovora nisu primjenjive na namještenike koji u Općini Stari Grad Sarajevo obavljaju poslove rada u pisarnici i šalter sali na način kako je to predloženo kroz predmetni zahtjev, i biti će primjenjiva tek nakon što se donese zakon kojim će se jasno urediti pitanje pojedinačnih radnih mjesta sa otežanim uslovima rada.

Shodno navedenom, utvrđeno je tumačenje odredbi člana 26. stav (3) Kolektivnog ugovora, na način kako je navedeno u tački I ove odluke.

Obzirom da je odredbom člana 72. Kolektivnog ugovora utvrđena primjena istog u odnosu na organe i insitucije na koje se ovaj kolektivni ugovor primjenjuje, utvrđeno je kao u tački II ove odluke, dok je tačkom III utvrđeno da su ovu odluku dužne poštovati sve ugovorne strane ugovora, u skladu sa odredbom člana 71. stav (6) Kolektivnog ugovora.


Broj: 01-741-58/25
Sarajevo, 06.11.2025. godine

Članovi Komisije za tumačenje i praćenje primjene Kolektivnog ugovora za službenike organa uprave i sudske vlasti u Federaciji Bosne i Hercegovine




Vedran Škobić

Tijana Babić



Samir Kurtović



Haris Karačić